

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲԱ-ԼՕ-2021/24, 30.03.2021թ.

Բողոք բերող անձ՝ «Մետաղամանեղեն գործարան» ԲԲԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ-ԳՀԱՊՁԲ-21-7/10» գնանշման հարցում

Գնման առարկան՝ ապրանքների ձեռքբերում

Բողոքի պահանջը՝ անվավեր ճանաչել «ՀՀ ՊՆ-ԳՀԱՊՁԲ-21-7/10» ծածկագրով ԳՀ ընթացակարգի գնահատող հանձնաժողովի 16.03.2021թ. որոշումը՝ ՀՀ պաշտպանության նախարարության կողմից հայտարարված գնանշման հարցման «ՀՀ ՊՆ-ԳՀԱՊՁԲ-21-7/10» ծածկագրով ընթացակարգի 10-րդ չափաթափի մասով «Մետաղամանեղեն գործարան» ԲԲԸ-ի հայտը մերժելու մասին:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀՀ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ
ՀՀ ԳՆՈՒՄՆԵՐԻ ՀԵՏ ԿԱՊԿԱՍ ԲՈՂՔՆԵՐ ՔՆՆՈՂ ԱՆՁ
Լ. ՕՉԱՆՑԱՆԻՆ**

**ԲՈՂՈՔ ԲԵՐՈՂ՝ «ՄԵՏԱՂԱՄԱՆԵՂԵՆ ԳՈՐԾԱՐԱՆ» ԲԲԸ
ՏՆՕՐԵՆ՝ Ս. ՀԱՅՐԱՊԵՏՅԱՆ**

(Հասցե՝ ՀՀ, Կոտայքի մարզ, ք. Եղվադղ, գ. Զովունի, 4 փող. տուն 14,
էլ. փոստ՝ metaxamanexen@mail.ru
հեռ.՝ (091) 42-60-38)

**ՊԱՏՎԻՐԱՏՈՒ՝ ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ
(Հասցե՝ ՀՀ, ք. Երևան, Բազրևանդի 5)**

ԲՈՂՈՔ

պատվիրատուի և գնահատման հանձնաժողովի գործողությունների և որոշման դեմ

ՀՀ պաշտպանության նախարարությունը (այսուհետ՝ «Պատվիրատու») հայտարարել է գնանշման հարցում (ընթացակարգի ծածկագիրը՝ «ՀՀ ՊՆ-ԳՀԱՊՁԲ-21-7/10») ՀՀ պաշտպանության նախարարություն կարիքների համար ապրանքների ձեռքբերման նպատակով (այսուհետ՝ «Ընթացակարգ»): Ընթացակարգի շրջանակներում գնման ստարկա է հանդիսացել Պատվիրատուի կարիքների համար ստորև նշված ապրանքների ձեռքբերումը, որոնք խմբավորված են 15 չափաբաժիններում՝

<i>Չափաբաժինների համարները</i>	<i>Չափաբաժնի անվանումը</i>
1	Կիսավարտիք՝
2	Կիսավարտիք՝
3	Գուլպա՝ բամբակյա
4	Գլխարկ՝ կիսաբրդյա
5	Բաճկոն անթոն՝ սեզոնային
6	Կիտել և կիսաշրջագգեստ՝ կիսաբրդյա, ամենօրյա
7	Հողաթուփ՝ գորանոցային
8	Գոտի լայն
9	Գոտի՝ տարատի
10	Կաթաա /կոտեյոկ/՝ ալյումինե
11	Բարձ՝ (58X48)սմ.
12	Ներքնակ՝ (187x65x5)սմ.
13	Ներքնակ՝ (185X 65 X 7,0) սմ
14	Սավան՝ բամբակյա
15	Սավան՝ բամբակյա

Ինչպես երևում է, Հնթացակարգը՝ 10-րդ չափաբաժնի մասով, վերաբերվում է այլումինե կաթսաների (կոտելով) ձեռքբերմանը:

«Մետաղամանեղեն գործարան» ԲԲԸ-ն (այսուհետ՝ «Հնկերություն») հայտ է ներկայացրել՝ Հնթացակարգին՝ 10-րդ չափաբաժնի մասով մասնակցելու նպատակով, որը գնահատման հանձնաժողովի (այսուհետ՝ «Հանձնաժողով») 16.03.2021թ. որոշմամբ մերժվել է:

Նախ հարկ եմ համարում տեղեկացնել, որ «Մետաղամանեղեն գործարան» ԲԲԸ-ն հանդիսանում է ՀՀ ՊՆ և մյուս ոչ առևտրային կազմակերպությունների մատակարարը շուրջ 29 տարի: Հնկերությունը ունի առևտրային հարաբերություններ նաև շուկայի հետ: Հարկերը և տուրքերը միշտ վճարել է ժամանակին, անգամ ունեցել է գերավճարներ: Հնկերությունը հիմնականում գոյատևում է պետ. պատվերների շնորհիվ: Սույն թվականի մարտի 3-ին մասնակցել ենք ՀՀ Պաշտպանության նախարարության կողմից հայտարարված ՀՀ ՊՆ-ԳՀԱՊԶԲ-21-7/10 ծածկագրով մրցույթի 10-րդ չափաբաժնին, այն է կաթսա այլումինե (կոտելով): Ներկայացված տեխնիկական բնութագրի մեջ լրացրել ենք բոլոր պահանջվող տվյալները, որտեղ չի համընկել կաթսայի հաստության չափը: Պատվիրատուն կաթսայի հաստությունը նշել է 2մմ, իսկ ներկը՝ հրակայուն: Մնացած բոլոր պարամետրերը համընկնում են: Նշեմ, որ 2018, 2019, 2020թթ-ներին Պաշտպանության նախարարությանը մատակարարված նույն ապրանքը արտադրել է մեր ընկերությունը, որտեղ կաթսայի հաստությունը և ներկի հրակայունությունը նշված չի եղել: Գաթսան մեր կողմից պատրաստվել է 1.5մմ պատի հաստությամբ, իսկ ներկը փորձարկվել է մինչև օրի եռման աստիճանը 100°C, որից հետո հաստատվել է կաթսայի նմուշը և այն մատակարարվել ՀՀ ՊՆ-ին: Նույնանման կաթսա արտադրվում է Ռուսաստանում, Չինաստանում և այլև, երանց մոտ կաթսայի պատի հաստությունը 1.2մմ է, իսկ ներկը նույն ներկն է, որը օգտագործում ենք մենք: Հաշվի առնելով համարժեք բառի սովորությունը և մտածելով գուցե տպագրական սխալ է եղել և պատվիրատուն գնահատող հանձնաժողովի որոշմամբ դա կարող է ուղղել, որոշեցինք մասնակցել մրցույթին, սակայն հայտը մերժվեց:

Գտնում եմ, որ Հնկերության հայտի մերժումը Հնթացակարգի 10-րդ չափաբաժնի մասով անհիմն է հետևյալ պատճառաբանությամբ:

Հրավերի համաձայն Հնթացակարգի 10-րդ չափաբաժնի մասով ներկայացվել էին հետևյալ պահանջները:

«... 10. Գաթսա այլումինե (հատ)

... Պատրաստվում է սենդային այլումինից, հաստությունը 2 մմ-ից ոչ պակաս: Գաթսայի (տակամասի) տարողությունը առնվազն 1,05 լ, կափարիչի տարողությունը՝ առնվազն՝ 0,4 լիտր: Բաղկացած է երկու մասից՝ կաթսայից և կափարիչից: Գաթսային ստրագվում է մետաղալարից բռնակ, որի միջնամասը՝ կամարածն: Կափարիչին ստրագված է բռնակ-փական, ընդ որում բռնակի ընդհանուր երկարությունը 15 սմ, իսկ հիմնական լայնությունը 2 սմ: Կափարիչին ստրագվող մասը՝ 4,5 սմ լայնության և 1,5-1,8սմ երկարության, իսկ փականը ծալված դեպի ներս, զսպանակաձև՝ 3 սմ երկարությամբ: Արտաքին մասը ներկված՝ պաշտպանական գույնի հրակայուն ներկով: Ներսամասը պատված քսուկով: Մնացած բոլոր պարամետրերի թույլատրելի շեղումը մինչև 3%: Արտաքին տեսքը համաձայն նկարի կամ համարժեք»:

Հայտը մերժվել է ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման կարգ»-ի 42-րդ կետով նախատեսված հիմքով արձանագրելով հետևյալ անհամապատասխանությունը

« - Ընթացակարգի հրավերում 10-րդ չափաբաժնի տեխնիկական բնութագրում նշված է «Պատրաստվում է սննդային այլումինից, հաստությունը 2 մմ-ից ոչ պակաս», իսկ «Մետաղամանեղեն գործարան» ԲԲԸ կողմից ներկայացված Հավելված 1.1-ում նշված է «Պատրաստվում է սննդային այլումինից, հաստությունը 1.5-2մմ», այսինքն Ձեր առաջարկած տեխնիկական բնութագիրը տվյալ չափորոշիչի մասով չի համապատասխանում ընթացակարգի հրավերով պահանջվող տեխնիկական բնութագրին:

- Ձեր կողմից ներկայացված Հավելված 1.1-ում 10-րդ չափաբաժնի տեխնիկական բնութագրում նշված է «Արտաքին տեսքը համաձայն նկարի կամ համարժեք», այնինչ անհրաժեշտ էր բացատրել /կամ համարժեք/ արտահայտությունները՝ հստակեցնելով առաջարկվող ապրանքի տեխնիկական պարամետրերը»:

Ինչպես երևում է Հանձնաժողովը հայտը մերժել է այն պատճառաբանությամբ, որ կաթսայի պատերի հաստությունը հայտում նշված էր ոչ թե «2 մմ-ից ոչ պակաս», այլ «1.5-2մմ», ինչպես նաև բացառված չէր «կամ համարժեք» արտահայտությունը:

Կաթսայի պատերի հաստության հետ կապված պատճառաբանությամբ Ընկերության հայտի մերժումն անհիմն է, որովհետև ՀՀ պաշտպանության նախարարությունն իր 26.03.2021թ. N 514/813 գրությամբ հայտնել է, որ «ՀՀ ՊՆ նյութատեխնիկական ապահովման գլխավոր վարչություն ներկայացված «կաթսա (կոտելոկ)» ապրանքատեսակի գնման հայտի տեխնիկական բնութագրում (մրցույթի ծածկագիր՝ ԳՀԱՊՁԲ-21-7/10) կատարվել է գրասխալ՝ «հաստությունը 1.5-2մմ-ից ոչ պակաս» բառակապակցության փոխարեն տպագրվել է «հաստությունը 2մմ-ից ոչ պակաս»»: Այլ կերպ ասած՝ Ընկերությունը, Հանձնաժողովի արձանագրած անհամապատասխանության հետ կապված, տվյալ դեպքում որևէ մեղք չունի և չի կարող կրել դրանից անանցյալ անբարենպաստ հետևանքները:

Ինչ վերաբերվում է «կամ համարժեք» արտահայտության բացառմանը, ապա այդ մասով Ընկերության հայտի մերժումը, նույնպես, անհիմն է, որովհետև տեխնիկական բնութագրում ուղղակիորեն նշված է՝ «Արտաքին տեսքը համաձայն նկարի կամ համարժեք», իսկ հաջվի ստնելով այն, որ Ընկերության առաջարկած ապրանքն արտաքին տեսքով համարժեք էր տեխնիկական բնութագրում նկարագրված ապրանքին, ուստի Ընկերությունը հիմք չունի այն բացառելու: Այլ կերպ ասած՝ հրավերի պայմաններն ուղղակիորեն թույլ էին տալիս առաջարկել համարժեք ապրանք, ինչն էլ Ընկերությունը կատարել է:

Շարադրվածից հետևում է, որ Ընկերության հայտը Ընթացակարգի 10-րդ չափաբաժնի մասով մերժվել է, մի կողմից, Պատվիրատուի և Հանձնաժողովի մեղքով և նրանց ոչ ճիշտ գործողությունների արդյունքում, իսկ, մյուս կողմից, հայտի մերժման հարցում Ընկերության մեղքը բացակայում է:

ԽՆԴՐՈՒՄ ԵՄ

1. ՀՀ պաշտպանության նախարարության կողմից հայտարարված գնանշման հարցման «ՀՀ ՊՆ-ԳՀԱՊՁԲ-21-7/10» ծածկագրով ընթացակարգը 10-րդ չափաբաժնի մասով, հայտարարել չկայացած.
2. Անվավեր ճանաչել «ՀՀ ՊՆ-ԳՀԱՊՁԲ-21-7/10» ծածկագրով ԳՀ ընթացակարգի գնահատող հանձնաժողովի 16.03.2021թ. որոշումը՝ ՀՀ պաշտպանության նախարարության կողմից հայտարարված գնանշման հարցման «ՀՀ ՊՆ-ԳՀԱՊՁԲ-21-7/10» ծածկագրով ընթացակարգի 10-րդ չափաբաժնի մասով «Մետաղամանեղեն գործարան» ԲԲԸ հայտը մերժելու մասին:

Կից ներկայացվում է՝

1. Քաղվածք ԻԱՊՌ գրանցամատյանից.
2. Մ. Հայրապետյանի անձնագրի և սոցիալական քարտի պատճենները.
3. Գնանշման հարցման մասին հայտարարության պատճենը.
4. №3 արձանագրության պատճենը.
5. ՀՀ ՊՆ կարիքների համար ապրանքի գնման 11.12.2020թ. № ՄԱԱՊՁԲ-20-7-11 պայմանագրի և կից փաստաթղթերի պատճենները.
6. Քաղվածք հրավերից.
7. «ՀՀ ՊՆ-ԳՀԱՊՁԲ-21-7/10» ծածկագրով ընթացակարգի գնահատող հանձնաժողովի 16.03.2021թ. գրության պատճենը.
8. Պայմանագիր կնքելու որոշման մասին հայտարարության պատճենը.
9. ՀՀ պաշտպանության նախարարության 26.03.2021թ. №514/813 գրության պատճենը.
10. Վճարման անդորրագիր:



Ս. ՀԱՅՐԱՊԵՏՅԱՆ